

教子文

Xy. 1333

Объ отношеніяхъ
между родителями
и дѣтьми.

Шкафъ III

№ 19965 1934г.

Пехинъ
1880.

Xyl
1333

3142 M 1333 22 1334

教子文

今夫人之願生子也，原欲有後弗棄基也，
壯大成人，補親所未竟之功，扶親所將墜
之緒，恃其養贍於年衰，復望其代祈於身
後，似此焉能不求其德業之成，才能之富
乎？是以聖教會爲教眾子弟，建塾延師，給
月費以資供濟，講經史而代爲訓迪，使愚
魯者安其本分，聰明者務乎正途，趨下流

孝子文
者頑梗胥化志上進者觀法有資但子弟
每日在塾時少而居家時多尤賴父兄嚴
慎勸懲其志約束其身勿任其遊戲曠閒
乃克成就蓋日與善士往來斯薰陶成器
儻比之匪人耳莫聞善事目莫覩善行口
弗習善言終必至心不存善念將視堂塾
講道讀書爲虛行故事毫無熱心身雖強
往而心馳於外尙安望德業才能之成乎

夫天下無不愛子之父母第恐溺愛者不
明偏寵者多護專思順適其心不肯嚴制
其行小善代爲誇多惡代爲諱遂使飽食
煖衣逸居無教是名爲愛子而實則悞子
止爲嗜慾不檢驅子爲小利之貪及年長
乃欲加訓戒無如習與性成不復能改雖
悔何及焉蓋爲子者年幼無知每覺從善
爲難堪從欲爲可樂是以流蕩忘返迨日

後老大無成饑寒迫切必且怨親於己幼時姑息貽悞不爲遠謀始受今茲之窮困乃知以善功勞其子者乃爲眞愛而以逸樂任其子者不獨子爲我所悞我且爲子所憾矣父子恩情不將由此疎遠乎况見他人之子有成則知歸功於其親無成亦知歸咎於其親豈責人則明責己則昧乎夫已遵聖道爲得福樂烏可聽子違誠命

致受罪罰是以必須指示如何卽升天堂如何卽墜地獄切勿以其幼稚愚頑輕置不顧也因主指童子曾言入天國者正屬此輩又謂陷小子之一於罪者其人較繫磨投海爲尤苦可見於他人子尙當匡其不逮何况己子在代父母尙應切爲指迷何況本生者且子幼犯罪則罪歸於親招禍則禍延其長實以子或無知親不當無

知也。要之教子者，不惟訓之以言詞，仍須導之以表式，更宜命之以事功。除赴堂赴塾之暇，擇當務之急者，比如祈禱誦經，讀書講課，以至嫻習藝業等事，使其朝夕從事，無少偷安，則偏情自無暇而生，魔誘亦無隙可乘。使其出入家門，孝親敬長，愛眾親仁，出言宜誠信，無欺誑，無夸大，行事宜謹飭，無放肆，無偏邪，且謙和處己，勿驕傲。

凌人不恃才，自逞弗見利相爭，將見戚里之間，子與子相勸勉，相羨慕，莊敬日強，誘惑日遠，一切賤惡之事，自恥為矣。

至教女與教子無異，尤須防閑其行止，指示以貞節為之，講明道理，習學鍼黹，除赴堂塾之外，當使誦經祈禱，敬主正心，勤於持家，儉於度日，和以待人，謙以持己，謹於言行，務乎善義，不得無故閒游閒聚，則在

家為淑女聘出為佳婦父母有不藉之得
美譽者乎

夫以貞道為女之稱則道與德相稱也
至若女與婿于無異也則女與婿其行也
每日必一而無懈之其自強也矣
心問子與子則德誠則美其德也日德
與人不可不自強也其德誠則美其德也

